

清季外交史精

卷一百五十五至一百五十八

第

二

十

冊

國朝文獻通考

卷一百一十五

禮考一百一十五

清季外交史料

附索引及西巡大事記



中華民國二十一年一月出版

總發行 王希隱

北平迺茲府關東甸七號

版權所有 翻印必究

清季外交史料卷一百五十七

光緒二十八年五月上

目錄

盛京將軍增祺奏遵旨預籌奉天省西南段俄兵撤後辦法摺 五月

初一日

江督劉坤一一致外部請堅持還款完稅二者求允其一否則暫照滬

議電 初一日

商約大臣盛宣懷致外部債款改金改銀統計得失三四百兆必買

全力與爭電 初二日

直督袁世凱致樞垣賠款還銀如外部與公使切商不成再發國書

電 初二日

外部致駐各國公使希向各國聲明賠款還銀電

初三日

外部致陶模葡約十款若一概拒絕恐牽動全局電

初四日

鐵路督辦盛宣懷致外部請准比國接造津保支路電

初四日

江督劉坤一致外部賠款還銀事請發國書並由疆臣公電使臣電

初五日

豫撫錫良致外部福公司支路搭客載貨合同所無電

初五日

鄂督張之洞致外部臚陳加稅免釐管見五條電

初六日

江督劉坤一致樞垣約載有易爲金款字樣就管見再爲申辯電

初六日

六日

鄂督張之洞致外部及劉坤一等賠款無還金之理有確據三事電

初六日

外部致劉坤一賠款事請婉商照定約時金價算付電

初八日

外部致奎俊據哲美森函已飭立德樂將產礦八處地名查明填註

電

初八日

外部致錫良福公司支路專供運礦應載入章程電

初八日

粵督陶模致外部粵省鐵路尙無窒礙應否允准葡人利益電

初八日

駐俄代辦胡惟德致外部與布加力王切商賠款電

初八日

使日蔡鈞致外部賠款照約還銀已商日外部據云若英有允意日

亦易商電

十一日

呂海寰盛宣懷致外部准日本商稅使照送新約十款呈核電

十三日

滇督魏光燾致外部方領草章首議修路兼及行車電十四日

江督劉坤一致呂海寰盛宣懷日本進口貨以煤棉爲大宗決難全

免電十四日

江督劉坤一致呂海寰盛宣懷日本欲開許多口岸無非欲佔我主

權請力折其要索電十四日

駐俄代辦胡惟德致劉坤一庚子賠款照約應還銀電十四日

外部致魏光燾滇路鐵軌照龍州寬窄改爲一邁當電十四日

清季外交史料卷一百五十七

男希隱亮編

黃巖叟夫王彥威輯

孫孝章敬立校

盛京將軍增祺奏遵旨預籌奉天省西南段俄兵撤後
辦法摺

盛京將軍增祺奏爲遵旨豫籌奉天省西南段俄兵撤後一切辦法並
現在牽制棘手情形密摺覆陳事竊奴才於本年三月二十九日承准
軍機大臣字寄三月十八日奉上諭現在俄約已定自三月初一日起
六個月內先撤奉天省西南段至遼河俄軍並交還地方鐵路俄軍既

退該地方必須有接替駐紮營隊切實彈壓保護毋任土匪馬賊乘機滋擾使彼有所藉口致生枝節着增祺迅卽通籌遴派得力將官屆期統帶前往妥爲布置以重地方仍將辦理情形先行具奏欽此遵旨寄信前來仰見皇太后皇上垂念根本地方聖慮周詳莫名欽佩敢不悉心籌畫預圖善後之方惟目下種種牽制情形亦有不得不據實詳陳者溯自俄兵入我境界以來嘗以限制我兵權搜索我鎗械爲一定不易之成見如黑龍江一省現兵不過千名吉林現兵不過五六千人彼於奉天初亦限我以六千人之數奴才曾以地面遼闊盜匪充斥非有兵萬人防勦實難敷用與彼爭之至再至三始則尙不謂然繼值劉彈子林七變亂之後彼方稍形鬆勁計是時我兵猶不下一萬二千餘人

詎以上年九月日本領事之來遂復觸其疑忌是以連將我海龍城通
江口各處防軍鎗械大加搜索以及抄擊各處團會情節均經奴才隨
時奏聞在案本擬俟和局大定或可操縱由我再爲妥籌收束之計不
謂正月以來又復枝節歧出謠詠肆起兵部尙書裕德本係奉命查辦
哲里木盟事件遂紛傳有調集蒙兵之說熱河花子溝民教構釁乃訛
言馬玉崑帶隊出關不識其意所在恰值海城縣大荒地所駐俄卡有
突被鬍匪圍攻之事以致俄員屢來詰問疑忌多端故其防範伺察較
前更形加緊又如此次俄約第二條所載中國允認如果再無變亂並
各國之舉動亦無牽制即將東三省所駐俄軍陸續撤退又俄兵未退
之際駐紮東三省中國兵隊之數目及駐紮處所中國允認將軍與俄

國兵官籌定必須敷勦賊匪彈壓地方之用及中國不另添練兵等語是其始終牽制如出一轍茲該廓米薩爾又以奉省兵匪往往無從辨別因商我營務處將各營鎗械重烙俄印另給鎗票銅牌八千六百分庶與俄軍相遇不致別出事端在彼尙以兵數爲多而在我則實係不敷分布查奉省西南至遼河一帶現在俄兵所駐之新民廳營口錦州府等處均屬扼要之區除新民廳一帶現有馬步巡隊七八百名距省較近將來俄軍撤後尙可無須再爲添兵而錦州府所屬四州縣或與熱河之朝陽境界毗連或與蒙古一帶接壤賊匪出沒靡常僅有馬步巡隊千名分防五百餘里實屬鞭長莫及營口乃通商口岸五方雜聚現在奉錦山海道明保僅贍標兵三百名接收後尤慮不敷彈壓是各

該處均須預籌撥兵填紮方可藉資鎮懾惟俄員每於添調兵隊各事固執異常即如姜家屯團會被俄軍擊散新民廳之匪勢遂爾鴟張屢飭調隊合擊該俄員輒以現有彼兵幫勦不必另派他兵爲詞迭次切商始允我營官張國慶所帶馬隊百餘名前往然已逾月方能開拔至得力將弁如海龍城總管依凌阿統巡瑞祿諸人旣堅請撤任不令遠出又催將提督胡善志所部一營調回遣散正在磋磨彼竟將該營鎗械扣留三百餘桿似此種種情狀即使果能如期先撤西南之隊而彼全軍未退俄員在省無論我之處處兵力單薄勢難抽調彼亦未必任我指揮自由此固奴才日夜籌思未得一當者也查營口錦州均距山海關不遠若由直隸省就近調撥得力馬步數營於俄兵退後前往握

要分紮固屬捷便但約內既有不另添練兵一節若遽調隊出關恐俄員仍不能無所藉口無已則仍只有收撫之一策蓋自變亂之後潰兵勢無所歸迫而爲匪者皆未嘗不欲投營自効一經收撫則數千人不難一呼而集收一兵即少一賊使之擊賊自贖賊將日少一日俟地方稍爲安靖便可陸續資遣還鄉鎗械旣得收回更不致再貽後患所謂揚湯止沸不如釜底抽薪之爲愈也然自去歲以來每向俄員反覆陳說終以疑忌見阻或我已撫而彼擊散者不一而足卒致挺而走險勒指強搶日不絕聞豈獨閭閻被擾市井蕭條亦殊於彼之鐵路商務大有關礙可否飭下全權大臣於換約後與俄使婉爲商明或將來調隊填紮或由本省自行收撫二三千人暫資勦捕彈壓之用庶免藉口別

滋枝節而地方亦得藉臻安謐再奴才現於無可如何之中又別籌一
亟圖補救之策查奉天盜匪之熾近則多出於本地游手無賴之徒其
弊實由於地大官稀禁制疏闊所致已與撫尹玉恒妥擬量地增官章
程另摺續陳倘荷聖慈准予權宜舉辦亦弭盜清源之一助也謹奏光
緒二十八年五月初一日

江督劉坤一致外部請堅持還款完稅二者求允其一
否則暫照滬議電

還款完稅執約兩兩比較彼雖明知事理應爾乃稅金委之無權仍逼
我允不改金方肯開議可云巧於避就此事全在外部能與堅持不待
駐使饒舌即執約分晰剖論總期還款完稅二者求其一允否則暫照

滬議留此後步以爲再議之計惟償款還期已迫此時若再不與商定屆時彼以交款不敷索補旣無轉身之地又無可撥之款更難措手縱可羅掘以應一次照辦後難再爭其力斷難及此事必歸於終誤敝處思無善策查償款照金價算付實確有可憑之理不特歷來洋款借金還金賠款向均由金合銀付還銀款有案可稽此次賠款卽照甲字所載雖有照海關銀兩市價易爲金款而金價實已預定載明約內故下文有此市價按諸國各金錢之價易金如左所謂如左者卽指所定各國金錢之價目照約金價核銀卽係四百五十兆關平銀兩故約表均照核定應還銀數平色開載約中旣已定有金價並以照價核明應還銀數載於約內按照約載銀數平色歸還卽與還金無異是以保票亦

即保此四百五十兆關平銀兩票尾雖聲明按以上所述諸國各金錢之價易金其云所述諸國各金錢之價即係約票所載各國金錢之價倘如彼所云必須照市價易金付還則約票表豈有不載應還金錢之數轉載銀數平色約票內更何必開載各國金錢之價反覆推敲其爲應照約載金價算付其理甚明至下文所云或按應還日期之市價易金付給此爲第二辦法如我不願照約載金價算還亦可照還日市價易金付給此時斷不能舍正辦強我變通受大虧之理外部如照滬擬覆文令卽繕發亦應趕先與各使商議償款仍照約載金價算付折以理動以情並告以不照此辦中國財力斷不能支並電各駐使令其切商各外部萬萬不可再有游移不勝迫切之至

五月初一日

商約大臣盛宣懷致外部債款改金改銀統計得失三

四百兆必賈全力與爭電

和約第六款內稱甲字四百五十兆係照海關銀兩市價易爲金款此市價按諸國各金錢之價易金如左等語各國今日欲定爲金款者在此然附件十三所列之表均係銀數中國不能不爭爲銀款者在此且核算攤還新債年限之時中外大臣細心核算至多祇能每年籌還四十二兆遂於四十二兆內除去每年應還舊債之數餘即爲攤還新債之數故表中三十九年除末尾七年外餘均爲四十二兆餘兩今若改金每年付款即不止四十二兆其不敷者從何按期歸還豈非與立約定表之初意大相刺謬試以英金核之新債本利九百八十二兆餘兩